

Europe.

kriegen sie selbs mit einander / lassen sich nit von frem kopff bringe.
Im fürwerffen der Tartschen seind sie so geschwind / das sie wurff
vnd pfeil / so sie die ersehen / auffhalten. Es seind auch fürbündig
güt schütz / mit langen rapiren mer zum stich dan zum streich vmb
gürt.

So sie zu roß haben obgesigt / steigen sie ab / vnd helfen den füs-
knechten / doch mehr im angriff dann in die lenge freudig vnd be-
stendig / die geradesten leute mit tanzen / springen / das wunder ist /
die sich selbs zu süchen / nimmer on vorteil seind.

Sie wuschen all irn leib offemals mit brunzwasser / vnd achtens
für ein grosse artzney des leibs.

Das Hispanisch reich hat sein vrsprung nach der zeit Tubal
von Phaleg / sein son gehabt / der im in das land / vor Hy-
beria genant / einn stül hat gesetzt / der vnglaublich groß
(als Apianus zeuget) 10000. achttheil einer meil breyt / vnd
schier so lang ist / mancherley völkern / vilerley namens / vn geschlechtes
haben sich dahin gethan.

Dieses land ist fruchtbar an wein / öl / weizen / wassern / allen metal-
len vnd thiren zu menschlichem brauch. 300. ganzer jar / habenn sie
vnder den Römischen heerfürern Scipione / Gracho / Albino / Cato
ne / Metello / vnd Pompeio krieg geführt mit den Römern vnd Key-
sern.

Es hat diß land ein streitbar volck / das nachmals die Römern bei-
nen einigen krieg / on die Hispanischenn Ritter geführt haben / darinn
auch vil stett etwa mit den Römern besetzt worden seind.

Vonder stadt Trier.



Trier ist also ein alte stadt / das sie vor der
zükunft Christi. 1947. jar zu Abrahams ze-
itenn von Trebeta Nini des Königs brüder
aus Affiria / vō Semiramide in dise gegent Teut-
sches lands vertrieben / zubawen angefangen ist /
nit weit vom Rhein / an ein gar fruchtbarren ort
im land Belgia Gallie / vnd nennet sie nach im
Treuerim / die vnder den fünff stettenn des Bel-
g